



ҚАЗАҚСТАН РЕСПУБЛИКАСЫ
ҚЫЗЫЛОРДА ОБЛЫСЫНЫҢ ӘКІМДІГІ

Құттықтау

**Құрметті Бейбіткүл Сәрсемханқызы!
Қадірлі университет ұжымы!**

Баршаңызды Сыр елінің ақ пейіл халқының және Өзімнің атымнан Қорқыт ата атындағы Қызылорда университетінің 85 жылдық мерейтойымен құттықтаймын!

Киелі аймақтың шежірелі тарихында білімнің қарашаңырағы кәсіби кадр даярлап, өңір өрлеуінде олардың ықпалы едәуір екпін сыйлады. Жетістіктер жылнамасында іргелі оқу орны толайым табысқа жетті.

Өткенге көз салар болсақ, сонау 1937 жылы Корей педагогикалық институты Қиыр Шығыстан Қызылордаға көшірілді. Институтпен бірге ғаламат ғалымдар, ұлағатты ұстаздар келді.

Міне, содан бергі 85 жылда университет гуманитарлық, педагогикалық және техникалық мыңдаған маман түлетіп, дамудың өнегелі жолынан өтті. Бәсеке биігінен көріне білген білімпаз мамандардан мемлекет және қоғам қайраткерлері шықты.

Сыр ақмаржанын өндіру ісін ғылымға негіздеп, ауыл шаруашылығы саласында озық технология мен тың тәсілді ұштастыра білген ғалымдардың беделі биік. Сырын ішіне бүккен тарихи жәдігерлерді жаңғыртып, жаңа археологиялық мұраларды жарыққа шығаруда университет ғалымдарының қолтаңбасы ерек.

Тамырлы тарихы, өзіндік жолы қалыптасқан университет ұжымы алдағы уақытта да іргелі ізденістерге жол бастап, адами капитал сапасын дамытуға қомақты үлес қосады деп сенемін!

Бүгінгідей мерейлі сәтте Өздеріңізге мықты денсаулық, отбастарыңызға амандық, бақ-береке, мол табыс тілеймін!

**Құрметпен,
Қызылорда облысының әкімі**

Н. Нәлібаев

Қызылорда қаласы, 2022 жыл